

Svar

félags- og húsnæðismálaráðherra við fyrirspurn frá Katrínu Jakobsdóttur um hópuppsagnir.

Fyrirspurnin hljóðar svo:

Hversu oft hefur komið til hópuppsagna frá árinu 2008? Svar óskast sundurgreint eftir árum og landshlutum, og hvort uppsagnirnar voru í opinberum stofnunum og fyrirtækjum eða á almennum vinnumarkaði.

Samkvæmt upplýsingum frá Vinnumálastofnun hafa stofnuninni borist samtals 228 tilkynningar um hópuppsagnir frá ársbyrjun 2008 til loka nóvember 2013 þar sem samtals 8.940 einstaklingum hefur verið sagt upp störfum. Af þessum 228 tilkynningum var um að ræða sjö tilkynningar frá opinberum fyrirtækjum eða stofnunum þar sem 252 einstaklingum var sagt upp störfum og 221 tilkynningu frá fyrirtækjum á almennum vinnumarkaði þar sem 8.688 einstaklingum var sagt upp störfum. Flestar tilkynningar um hópuppsagnirnar á umræddu tímabili bárust Vinnumálastofnun á árinu 2008 eða 103 talsins þar sem samtals 5.074 einstaklingum var sagt upp störfum.

Fjöldi einstaklinga sem sagt var upp í hópuppsögnum frá árinu 2008 til nóvember 2013.

Vinnumarkaður	2013					Samtals	
	2008	2009	2010	2011	2012 (jan.–nóv.)		
Opinber	0	0	88	115	0	49	252
Almennur	5.074	1.789	654	637	293	241	8.688
Fjöldi alls	5.074	1.789	742	752	293	290	8.940

Heimild: Vinnumálastofnun.

Fjöldi einstaklinga sem sagt var upp í hópuppsögnum frá árinu 2008 til nóvember 2013, greint eftir landsvæðum.

Landsvæði	2013					Samtals	
	2008	2009	2010	2011	2012 (jan.–nóv.)		
Höfuðborgarsvæðið	4.189	1.501	451	516	246	228	7.131
Suðurnes	329	138	20	51	0	30	568
Vesturland	203	31	4	31	0	0	269
Vestfirðir	18	60	148	68	0	32	326
Norðurland vestra	2	9	0	14	12	0	37
Norðurland eystra	109	29	0	33	35	0	206
Austurland	109	5	11	0	0	0	125
Suðurland	115	16	108	39	0	0	278
Fjöldi alls	5.074	1.789	742	752	293	290	8.940

Heimild: Vinnumálastofnun.

Árið 2008.

Á árinu 2008 bárust 103 tilkynningar um hópuppsagnir til Vinnumálastofnunar þar sem samtals 5.074 einstaklingum var sagt upp störfum. Tæplega 60% tilkynninga um hópuppsagnir á árinu 2008 bárust stofnuninni í lok október það ár. Hlutfallslega náðu flestar hópuppsagnir á árinu 2008 til starfsfólks á starfsstöðvum á höfuðborgarsvæðinu eða um 83%. Hópuppsagnir á Suðurnesjum voru á sama tímabili hlutfallslega um 6,5% og um 4% á Vesturlandi en á öðrum landsvæðum var um lægra hlutfall að ræða. Árið 2008 bárust eingöngu tilkynningar um hópuppsagnir á almennum vinnumarkaði til Vinnumálastofnunar.

Árið 2009.

Á árinu 2009 bárust 54 tilkynningar um hópuppsagnir til Vinnumálastofnunar þar sem samtals 1.789 einstaklingum var sagt upp störfum. Hlutfallslega náðu flestar hópuppsagnir á árinu 2009 til starfsfólks á starfsstöðvum á höfuðborgarsvæðinu eða um 84%. Hópuppsagnir á Suðurnesjum voru á sama tímabili hlutfallslega um 8% og um 8% dreifðust á önnur landsvæði. Árið 2009 bárust eingöngu tilkynningar um hópuppsagnir á almennum vinnumarkaði til Vinnumálastofnunar.

Árið 2010.

Á árinu 2010 bárust 29 tilkynningar um hópuppsagnir til Vinnumálastofnunar þar sem samtals 742 einstaklingum var sagt upp störfum. Hlutfallslega náðu flestar hópuppsagnir á árinu 2010 til starfsfólks á starfsstöðvum á höfuðborgarsvæðinu eða um 61%. Hópuppsagnir á Vestfjörðum voru á sama tímabili hlutfallslega um 20% og um 15% á Suðurlandi en á öðrum landsvæðum var um lægra hlutfall að ræða. Árið 2010 bárust tvær tilkynningar til Vinnumálastofnunar um hópuppsagnir á opinberum vinnumarkaði þar sem 88 einstaklingum var sagt upp störfum. Tilkynningar til stofnunarinnar um hópuppsagnir á almennum vinnumarkaði voru 27 árið 2010 þar sem 654 einstaklingum var sagt upp störfum.

Árið 2011.

Á árinu 2011 bárust 23 tilkynningar um hópuppsagnir til Vinnumálastofnunar þar sem samtals 752 einstaklingum var sagt upp störfum. Hlutfallslega náðu flestar hópuppsagnir á árinu 2011 til starfsfólks á starfsstöðvum á höfuðborgarsvæðinu eða um 69%. Hópuppsagnir á Vestfjörðum voru á sama tímabili hlutfallslega um 9% og um 7% á Suðurnesjum en á öðrum landsvæðum var um lægra hlutfall að ræða. Árið 2011 bárust fjórar tilkynningar til Vinnumálastofnunar um hópuppsagnir á opinberum vinnumarkaði þar sem 115 einstaklingum var sagt upp störfum. Tilkynningar til stofnunarinnar um hópuppsagnir á almennum vinnumarkaði voru 19 árið 2011 þar sem 637 einstaklingum var sagt upp störfum.

Árið 2012.

Á árinu 2012 bárust níu tilkynningar um hópuppsagnir til Vinnumálastofnunar þar sem samtals 293 einstaklingum var sagt upp störfum. Hlutfallslega náðu flestar hópuppsagnir á árinu 2012 til starfsfólks á starfsstöðvum á höfuðborgarsvæðinu eða um 84%. Hópuppsagnir á Norðurlandi eystra voru á sama tímabili hlutfallslega um 12% og um 4% á Norðurlandi vestra. Árið 2012 bárust eingöngu tilkynningar um hópuppsagnir á almennum vinnumarkaði til Vinnumálastofnunar.

Árið 2013 – janúar til nóvember.

Á tímabilinu janúar til nóvember árið 2013 bárust tíu tilkynningar um hópuppsagnir til Vinnumálastofnunar þar sem samtals 290 einstaklingum var sagt upp störfum. Hlutfallslega náðu flestar hópuppsagnir á þessu tímabili til starfsfólks á starfsstöðvum á höfuðborgarsvæðinu eða um 78%. Hópuppsagnir á Vestfjörðum voru á sama tímabili hlutfallslega um 11% og um 10% á Suðurnesjum. Af þeim tilkynningum sem bárust Vinnumálastofnun á umræddu tímabili var ein tilkynning um hópuppsögn á opinberum vinnumarkaði þar sem 49 einstaklingum var sagt upp störfum. Tilkynningar til stofnunarinnar um hópuppsagnir á almennum vinnumarkaði voru á sama tímabili níu talsins þar sem 241 einstaklingi var sagt upp störfum.